

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-232329 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

Hmasawanna Thar Vol - 32/214

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy



## Zangnadawmna le sawrkar sin semna hun hmang



CCPUR: JACAATB le Manipur sawrkarin MoU an ziek ta lei le Tribal martyrs 8 ruong vui loa la um hai vui ta ding a ni le inzawmin zani zantieng 4PM khan YPA GHQ Hall, Hiangtam Lamka-ah martyrs 8 sung hai le hliemna tuok hai kuomah zangnadawmna le thangpuina thil sem a nih. Hi huna hin Tribe Leaders, Philanthropic Organisation tum tuma thuoituhai bakah sawrkar iang inthawk R. Sudhan, IAS, DC, CCPur; Thienlajoy Gange, MCS, AC to DC, CCPur le DC office staff hai an thang. R. Sudhan, DC, CCPur le Thienlajoy, MCS, AC to DC inrawinain martyrs 8 sung hai kuomah zangnadawmna Rs. 10 lakh seng le sawrkar sin; hliem le ruolban talo 8 hai kuomah Rs. 2 lakh seng le sawrkar sin bakah hliemna tuok dang hai kuomah Rs.50000/- seng pek an nih.

## COHSEM hnuoia Class-XII Examination, 2017 result puong; Pass percentage 68.81 nih

IMPHAL: Council of Higher Secondary Examination, Manipur (COHSEM) hnuoia Higher Secondary Examination (Class-xii). 2017 result chu zanikhan Manipur Education Minister Th. Radheshyam Singh in COHSEM Office, Babupara, Imphal hmuna a puonglang. Arts, Science le Commerce Stream haiha students an rengin 26139 an exam a, 17987 an passed. Arts stream-ah students 19252 an exam a, 13198 an passed a; Commerce stream-ah students 567 an exam a, 373 an passed. A pumpuia pass percentage chu 68.81 a nih. Kum 2015 a pass percentage 61.09 le kum 2016 a pass percentage chu 65.22 a nih. Arts stream a a pakhatna inthawka a sawmna chen hai chu a hnuoia hai hi an nih. 1. Ngangom Jinita of Enlighten Knowledge Hr. Sec. School, Sangakpham 2. Ganeshwori Nongmaithem Devi; En-



lighten Knowledge Hr. Sec. School, Sangakpham 3. Thokpam Dolenchandra Singh; Enlighten Knowledge Hr. Sec. School, Sangakpham 4. Michelle Chothe of Enlighten Knowledge Hr. Sec. School, Sangakpham; 5. Birbal Salam of Enlighten Knowledge Hr. Sec. School, Sangakpham; 6. Elangbam Tama of Enlighten Knowledge Hr. Sec. School, Sangakpham; 7. Thenhoi Kippen of Sielmat Christian Hr. Sec. School, Churachandpur; 8. Haobam Reniya Devi of Temple of Learning, Canchipur; 9. Lalgouboi Vaiphei of Rayburn College, Churachandpur le 10. Ksh. Julia Devi of Temple of Learning, Canchipur Science Stream a 1-10 hai chu pakhatna G. Gopal Krishna Sharma of Inspire Science Academy, Ghari; pahnina a inthawk pathumna chen hai chu Millennium Institute of Science, Sagolband Kwakeithel Mayaikoibi a mi wawng an nih. Pahnina pahnin um a, R.K. Babysana le T. Jayananda Singh hai an nih. Pathumna chu Victoria Ngangbam a nih. Palina chun Sanaton Athokpam of Xtra Edge School, Ghari; pahnina Amandeep Mishra of Herbert School, Changan- ganei; parukna Biswanath Konjengbam of Herbert School, Changan- ganei; pasarina Md. Pervez of Xtra Edge School, Ghari; pari- etna 2 an um a, chuhai chu Melonee Narumbam of Xtra Edge School le Kewal Thakhlambam of MECI Explorer Academy, Chan- ganei Uchechon; pakuaona pahnin um a, S. Sharmiza Annoly of Xtra Edge School, Ghari le Nelshon Yumnam of Comprehen- sive Concept School, San- gaiprou hai an nih. Sawmna mi 3 an um a, chuonhai chu Jibita Okram of Xtra Edge School, Ghari, Arib-



Arts 7th Position Ms. Thenhoi Kippen, SCHSS



Hmar (MIL) topper Nancy Lalvarmawi Rayburn College

MIL-a mark hmu insang tak hai chu, Hmar (MIL) ah Nancy Lalvarmawi, Rayburn College (92 marks); MIL (Mizo) Khawinkhuma le Lalramngaihual, Rayburn College (82 marks); MIL (Paite) Chinnu- lal, Don Bosco Hr. Sec. School, CCPur (93 marks); MIL (Thadou-Kuki) Rachel Nengpichong Haokip, Chil Chil Asian Mission School, Kanglatongbi (Marks 91); MIL (Vaiphei) H. Johnson, Don Bosco Hr. Sec. School, CCPur (Marks 90) le MIL (Zou) Marina Chinneimoi, Sielmat Christian Hr. Sec. School (marks 93) hai an nih. Hieng hai baka hin Education a Mami Tinglomkim of Young Pilars College, CCPur in Marks 85, Psychology a G. Mawibiaklian of Rayburn College, CCPur in marks 93 le Political Science a M. Vumkhanpao Haokip of Don Bosco Hr. Sec. School, Maram hai chu subject mark hmu insang tak an ni bawk.

## Jeevan Pramaan Camp June 10 chen sunzawm ding

CCPUR: Dept. of Info. Technology, Govt. of Manipur in May 8, 2017 a inhrietirna a siem dung- zuiin May 31, 2017 chena Jeevan Pramaan Camp nei dinga ti chu Pensioners hai hmakhuo ngaina leiin June 10, 2017 chen sunzawm la ning a ti. Chun, pensioners camp hmun khera last date chena fe hman lo hai June 10, 2017 hnungtieng khawm anni hun remchang angin an umna hmuna in- thawk Common Service Centre (CSCs) hnai tak annawleh Treasury Office pan thei ning a ti hin zanita District Treasury Of-

## Hmar Inpuin CM kuomah Memorandum a pek

CCPUR: Sawrkar hluin Bill pathum a passed hai leia buoia suok chingfelna dinga sawrkar thar hmalak- na zara May 10-a JACA- ATB le State sawrkarin MoU an ziek le, CM-in remna le muongna a um theina dinga a hmalaknahai a lawmpui zing laiin, Hmar Inpuin chun, MoU dungzia Churachandpur district a in- thawka "district thar" siem a lo nih chun, Khuga Valley Churachandpur district-a Hmarhai chun Churachand- pur district sung ma/ngei ah um zing kan nuom a nih tiin Chief Minister kuomah Thawleni khan Memorandum a peklut. Hmar Inpuin President Mr. Joseph Lalrothang le Secretary Mr Francis Song- gae hai hminga Memo- randum-in a hril dan chun, Hmar Inpuin chun rorelna fel lem (administrative convenience) a um theina dinga Pherzawl district thanga district thar pasari a siemhai khawm a lawm- pui a, JAC-TAAB le State sawrkarin May 10 nia MoU a ziek khawm an za hle lai- in, hi inremna ang dungzia "district thar" siem a lo nih chun, Tuihaphaia Hmar- hai po chu Churachandpur district sung ngeia um zing hi kan nuom a nih ti Chief Minister hin mi hriepui ve la kan nuom a nih, tiin a ziek. Memorandum copy hi Mr V. Hangkhanlian, Min- ister, Agriculture, Vety & AH, Dy. Commissioner/ Churachandpur, Mr R. Sudhan, Chairman/Sec- retary, District Boundary Commission hai khawm lo hrietpui ve dinga pek an nih.

## CM-in High Court-a CIS a hawng, Case Online ta ding

IMPHAL: Chief Minister Mr N. Biren Singh chun rorelna indik lem le fel lem, transparency le account- ability a um theina dinga High Court of Manipur-in a hmang ding online-a case en/put lut theina ding Case Information System (CIS) National Core Version 1.0 chu Thawleni khan High Court Auditorium ah a hawng. "Wawisun hi Manipur ta dinga dan rorelna kawng- a inchik thlak lem lung pawimawtak a nih. Asan chu, tuta inthawk chu mi tukhawmin khawlai hmuna



inthawk khawmin CIS National Core Version 1.0 hmingin Court case a en/ hmu (access) thei ta ding a nih leiin" tiin a hril a. Ro- relna indik (Justice) hin phairam chauh ni lovin

CM chun Manipur-a mipui (mob) rorelna a um vet hi tha a ti naw thu a hril a. "Mipui lungsen (mob) rorelna hi a um vet chun ei rama Dan rorelna (Rule of Law) in umzie a nei naw ding a nih" tiin, "Ei renga t hangruolin hieng ang mipui rorelna hi sukbo ei tum ding a nih" tiin a hril. Pangei ah Judicial Acad- emy of Manipur indin a nih ding thu le, district 5 Imphal East, Thoubal, Bishnupur, Churachandpur le Senapati haiah full-time Family Court hawng a ni ding thu a hril a. >>>sunzawmna Page 4-ah

## CHANCHIN LAKTAWI

### PDDC in NPT chun- gah lawmthu a hril

CCPUR: May 17-19, 2017 sunga Nehemia Prayer Team in Pherzawl district puola Pherzawl hmuna Prayer Assembly an buot- saina tuah Pherzawl Dist- rict Development Com- mittee chun NPT chunga lawmthu a hril. Pherzawl district tha taka a hung puitling theina dinga mi- nin tawngtainaa san zing dingin PDDC chun a ngen.

### GS Haupu lawmpuina

CCPUR: Zou Presbyte- rian Church Synod (ZPCS) chun May 23, 2017, 1:00PM khan ZPCS Com- mittee Room, Zomi Colo- ny-ah Singnat A/C MLA Ginsuanhau @ GS Haupu Zou MLA tling lawmpuina an nei. H huna hin Zou Pu- onlaisen insiltirna le Me- mento inhlanna an nei.

### Activa a neitu hrietlo

CCPUR: Ngathal-a Pres- byterian Biekin bul lai Honda Activa Registration number MN 02A 9910 a neitu hrietlo hmu a nih. Activa hi lampui sira hmu, a kalna um nia hril a ni a, hi lei hin Tala hmanga kalpek a nih. Activa sukhmang hai chun Thangkhum, Na- gathal kuomah ngaiven thei ning a ti.

## M. Ginzasuan DSO/CCPur in Pherzawl DSO a chelsa ding

CCPUR: Department in Order an suo dungzuiin District Supply Officer (DSO), Churachandpur sin chel lai mek Pu Mi- chael Ginzasuan chu Dist- rict Supply Officer (DSO), CCPur sin chelsa dinga ruot a nih tiin Directorate of Consumer Affairs Food & Public Distribution, Govt. of Manipur chun May 23, 2017 khan Order an suo. Hi thil hi mipui hmak- huo ngaina leia Pherzawl District-a Regular DSO ding le staff ding ruot an ni hma po ding a ni a, Tran- sfer and Posting order ni loin stop gap arrangement a nih tiin Ranjan Yumnam, Di- rector/CAF&PD, Manipur in Order an suo chun an ziek.

### PDDC in CM kuomah reminder le fielna a pek



CCPUR: Pherzawl District Development Committee aiawin Timothy Z. Zote, Public Relations, PDDC chun zanikhan CMs Sec- retariat, General Section- a dealing Suresh kuomah Reminder le invitation a peklut. April 8, 2017 nia Pu V. Hangkhanlian, Minister, Vety, Manipur inrawina Manipur CM N. Biren Singh kuoma memorandum peka um hai wawisun chena suktputling a la ninaw le

## Auto an service naw ding

CCPUR: All Churachand- pur District Diesel Auto Owners Association (ACD- DAOA) chun wawisuna tribal martyrs hai ruong vui- na programme hmang ding leia JAC-AATB ngenna angin May 24, 2017 zing dar 9 a inthawk zantieng dar 3:00 inkar sung pasalt ha hai sunna le inzanain an motor hai a service naw ding thu an hril. JACA- ATB in member a tam thei ang tak uop dinga an ngen- na angin member hai a tam thei ang ruong vuinaa thang dingin ACDDAOA chun an hrietir bawk.

## Tuilo Inhmuna inchangtir, khau taka khap tum a nih



IMPHAL: Revenue, Consumers Affairs & PD Minster Mr Karam Shyam chun, tuilohai inhmuna inachangtir khapna dan Manipur Conservation of Paddy Land and Wetland Act, 2014 chu hmang a ni zing laiin tamtakin an bawsiet a, an tuilohai in- hmunin an inchangtir pei lei- in tuilo a rem tiel bu bu bal thar dawnga kawngah harsatna ei tuok pei a nih, tiin phairuoma DC hai le meeting an nei hunah a hril. Minister chun con- cerned official hai kuomah survey thawa report pe vat dinga inhrietir an nih tah a.

## Poppy ching tah lo dinga hril

IMPHAL: IFCD minister Mr Letpao Haokip chun, Chandel district a biel sun- ga losinhawtu le kutsin- thawtu hai chu Kani le durg sienna Poppy ching tah lova Lemon Grass dam, Mawt, Aithing le Aieng hai dam ching lem tah dingin khaw lal 220 fekhawmbhai le meeting an neina huna chun a hril tawl. Khuman Lampak hos- tel-a biel mihai an hmu- puinaa chun, inruitheis drugs sienna Poppy (Kani kung) nek in horticulture thil le agriculture thlai danghai ching lema fak hmu tum dingin an fui tawl a. Ram neitu khaw lalhai khawm Poppy chingna dinga mani ram tukhawm inhawtir or inchawktir tah lo dingin a ngen tawl bawk. Poppy ching nek chun ran vai khawm thaw lem el dingin a hril bawk. Khaw lalhai khawmin an harsatna- nahia tamtak an hril a. Min- ister chun, kum nga sungin elektrik meivar, banking, internet, lampui le tui dawn dinghai a biel sung po po intlungtir wawng a tum thu a hril bawk.

## Barrack type quarter hawng



CCPUR: Zanikhan 10-Tuivai ADC constitu- ency sunga SPA 2016- 17 fund hmanga bawl Barrack type quarter chu bieltu MDC Langkhan- pau Guite in hawngna le Pathien kuoma inhlanna a nei. Building a hin Water basin, Ceiling, Electric fit- ting & Fan bakah toilet hai a um wawng a nih.

## Vangai mipuiin lampui an siem

THINGKAL: May 23, 2017 khan Kangreng, Thingkal le Ngampabung vantlang mipui pungkha- min Kh. Zeikhan le Kan- greng inkar lampui sienna hmun 17 lai zet siemthatna sin an thaw. Rev. Lalruot- sang, PO in tawngtaina a nei zoin sin thaw tan a n a, lampui sienna inthawk hi mi 135 vel an ni a, group a inthein lampui sienna, an khurna lai hai siemthatna sin hi thaw a nih. Motor hmang ding um- naw leiin hmun hla taka in- thawk kuta lung lakkhawm le lampui inkhurna hmun



hai vur a ni a, Culvert pi- lin a vur khum ta hnung 4 Bawngtuthlaw hmangin chodawk a ni bawk. May 22, 2017 khan Lower Kharkhuplien, Up- per Kharkhuplien le Kh. Zeikhan mipui pungkha- min Khangbawr le Lower Kharkhuplien inkar lampui sienna hai siemthatna sin thaw a lo ni ta bawk. Zanita sin thaw zo zanti- eng 3:45PM khan Kohran tinin Rs. 200 senga an thawkhawm hai hmangin thingpui dawntlang a nih. (Jehova L. Varte)

## LAWMTHU HRILNA

19-21 May, 2017 sung Pherzawl, Pherzawl District ah PRAYER ASSEMBLY ei hmang na le inzaw- min Pathien ram hmangaina leia mani sum le puon khawm inro der lova thahem ngai taka sum le puon hung thawa thang mi lapuitu hai po po chunga Hma- sawna Thar fe thlang in lawmthu kan hril cheu. Chu el bakah, tawngtaina le tha le zung senga thang mi lapuitu hai po po kan lawm tak zet cheu, in inpek- na Lalpa'n nasatakin mal a sawma chu zar pei chun hlawtling takin malsawmna tamtak le Prayer Assem- bly chu hmang zo a lo nih. Lalpa'n a let tamin malsawmin thuoii pei raw se cheu. Sd/- David Traite Secretary Nehemiah Prayer Team (NPT)



## VAWISUN THUPUI

Chun, thil inthiengnaw hrim hrim lut der naw ni a, thil tirdakum thawhai le khelinhliphai khawm lut naw baw an tih; Beramte hringna lekhabua hming an ziekhai chau lut an tih.

- Johan Thupuon 21:27

## Editorial

### Class X & XII result

Manipur mipui han ngakhla taka ei lo tung Council of Higher Secondary Education, Manipur hnuoia Higher Secondary Examination, 2017 result sukhnuok um lova a hung suok thei ta hi lawm a um. Higher Secondary Examination, 2017 result sukhnuok um lova a hung suok thei ang bawkin hin Board of Secondary Examination, Manipur khawma sukhnuok um lovin High School Leaving Certificate Examination, 2017 result khawm a hung puonglang thei wat ta ngei beisei a um. Exam a hlawtlingna changhai po po ei lawmpui a, a hlawsamhai khawm ei tuornatpui seng. Thaw ra sik hun a ni leiin a thaw inrim le a taima han result tha an nei a, dawngda taka thaw hai an hlawsam a nih. Amiruokchu, hlawsam leia beidawng ding a ni nawh. Sap thuvarin, "Failure is the pillar of success" a ti hi hriezanga a failhai khawma bei nawn nawk ding a nih.

Mark insang le division tha passed hi lawm a um zuol bik. Amiruokchu, Class - XII exam a mark tha le insang ei hmu hi graduate level, master degree level le competitive exam hun haiah chen umzie nei pei sienla nuom a um. Class-XII level a mark tha le insang hmu, graduate level, master degree level le competitive exam haia an hming inlang phak ta ngailo ei tam deu deu hi chu a paw a nih. Ei rama hin chu Sawrkar sin hi lekha inchuk-laihai beisei tak a ni nizing leiin sawrkar sin hmu thei ngei dingin thang la nasa nawk zuol ei tiu.

Lakha inchukhai po po ta dingin Class-X le Class-XII hi kawtsuo a la nizing a nih ti hi theinghil lova hriezang ding a nih. Kawtsuo a ni lei hin mitinin Class-X le Class-XII result suok ding hi ei tung a, ei ngakhla a, mitinin ei ngeineng seng a nih. Exam hun laia enruk le thungpui infuk leiin mark tha, mark insang le division tha hi hmu thei ngai a nih. Amiruokchu, hi thil hi hmatiengei peiah ei career sukse theitu a ni leiin ngeisang le inghatna chi a ni nawh. Quality education hi ngai pawimaw hle ding a nih. Inchukna siksawi hi thil um thei a nih. Hi lei hin nu le pa han ei nauhai ngirhmun indiktak hi hriet ngei ding a nih. Division tha passed ringawt hi lawm hlum el chi a ni nawh.

Exam result a hung suok a, thenkhat an hlimin an lawm a, thenkhat an lawm nawh. Exam a chun a failed le a passed an um hlak a, hi lei hin result suok hunna hin chu a hlim le a lawm an ta, a lawm naw, a hlim naw le a ngui an um ding hrim a nih. Hi hi khawvel fe dan a ni a, khawvela ei dam-sung hin chu hieng thil hi ei la hung tuok pei ding, khawvel fe dan ding hrim a nih. A hriethiemhai, a tuor thiemhai le mani tura a lungawi thei hai hadam an ta, a hrethiemnawhai, a tuorhiemnawhai le mani tura a lungawi thei lo hai an chaw thlawn el ding a nh. Hlawtling ve nuom chun a hun laia taimak insuo el ding a nih.

Hla phuoktuin "A tawi ngei maw hnuoi lawmna hi" a lo ti ang deuin result a hung suok a, a passed le division tha hmu hai ei lawm. Amiruokchu, admission le college kaina ding pawisa a sing a sangtel seng a hung tul leiin ei lawmna hun sung a tawi hle hlak. Nu le pa tamlem hai chu pawisa buoiin ei buoi a, harsatnain a hung zui nawk nghal hlak. Manipur State puotienga college kai thei nauhai khawma private college tha ngeia kai ei nuom taw lawk hlak leiin Class-X & Class-XII result suok hunna hin chu nu le pa an sawl zuol hle hlak.

Sawrkar College le Govt. Higher Secondary School hai nekin private college le private Higher Secondary School hai chu an tha lem ti chu thudik a nih. Amiruokchu, Sawrkar college/school le private college/school haia sengso chu an thlaw hle a, sengso tam dana chun Govt. school/college le private school/college hai chu khaikhin chi a ni nawh. Private college/school Admission fee le tution fee hi a tam taluo deu ni tain an lang. Hieng a ni lei hin State Sawrkarin dan siemin private College/School han fee inang tlang senga an lak theina dingin hma hung la sienla chu mipui lawm hleng an tih.

## School dawmsang ngennain Teacher an kalkhum

JIND/PALWAL: Haryana a Jind hmuna chun nuhmei students 50 vel han primary le mid-level schools hai senior secondary level-a dawmsang dinga nawrnain tiemchin um lova bungheia nuorna an nei bakah Palwal hmuna students nu le pa han Teacher thenkhat school building sungah hrentan-

gin an kal khum. District Education officer Anil Sharma chun nuorna nei nu le pa hai chu an thil ngen bawzui le ngaituo a ni ding thu a tiem a, sienkhawm sawrkarin schools hai upgrade dinga a puong hma lo chu gates an hawng naw ding thu Sarpanch chun a hril. (Agencies)

Editorial Board  
Lalmalsawm Sellate: Editor & Publisher  
Roding L. Sellate: Jt. Editor  
Joseph Joute: Freelance  
Lalsansuok Pulamte & Samuel Zothanglien @SZ Zote: Sports  
Lalruotlien Dulien: Computer Assistant  
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

# Aizawl Diary

-David Buhril



Mizoram sawrkar le HPC (D) palaihai inbiok sunzawm dingin Aizawl chu April 27, 2017 zantieng kan vuong lut nawk a. Pu L. Keivomin 'thliker' khawpui a lo tinama'n thlierkara um takmeu chu a nih. Tawngkam le inhrosak hi zoram khawvela chenghai til inthēn thiemna zawng tak ni ngei a ta, 'Lengpui' ei ti lem hi chu 'pui' lo tak a nih; Aizawl a'n zawl naw ang bawkin. Uor deuhin ei hang inbel phawt a; tak ram sir kimpuna dinga a sunhang pakhat khawm tling der si loin. Lemderma tam tak a keu suokpui hrim. Ei hang inbelpui a, tak mangkhengin ei nga kuol a, lam sak tieng in chim vang yang, mimin a pawt thlak mek kawll hrai ei tlan ringawt khawmin, "A thlawn khawmin ka dit naw ie", ti malamin in sawngsanghai chu tlan pel vat wat kar ringawt ei ngakhla. Pastor Lalneikhup Zate'n, "Aizawla ei unauhahi hi chu Pathien thanguina an mamaw zuol bik a nih", a ti chu an dik hrim a nih. A'n khawkna naah in insang tak tak an inchoon a; an infuktit mar a; 'peace bonus' an dawng hlak ang deu ku hin huosen lawmnan (bravery award) chi khat tak hi chu an phu hlie hlie. Chibil award an ta, an mi sukbingna lawmum um lo deu ei dawng vet nekin, ini laia tlawmgai pawl pakhat tak hin ram nelum lo deltuha ta ding huosen lawmnan iemani tak chu siempok inla, nēp bik naw nih.

A ni ngei, Pastor Alan Thiek khawmin Aizawla ei unauhahi khawksak dan chu phaivang hnam chi khat ang deuin a hmu a, a'n dik khawp el. An tūl le an mamawhai po po Silchar phairuoma inthawkin an put kai teng teng a; an fakīn an dawn zo phat leh an inthawk suk nawk a. Phaivanghaia inthawka an inchuk a lo ni zing awm hang ti naw ruol an nawh. Chu ram inkhaw taka chun mani rorelna in din ve tumin hma ei lo lak a; ei la bei teng teng ngei. Pil chu pil bawk an ti angin, ini khawmin phaivang bawk chu ei la hung entawn ve nawk hmel si.

Lengpui airport-ah Intelligence (Special Branch) haiin an thaw dan pangngaiin an mi lo hmuok a. Aizawl pana kan fe lai chun Mizorama chanchintha/thuthar iem a um tiin kan dawn a. Michael M. Sailo a borol thu leh mimkeiin in a fen chim thuhai bak chu thuthar lawm lawm a um naw thu an mi hril a. A puo le a kawringawt zut chun hadamna tak khawm a um a hawi hlak. Hmaikawr hi hlip naw chun hmel hmu ding a um ngai nawh. Hmaikawr hi incheina taka ei nei ta lem chun hnampui lamlawn lem chu ennaw a tul takzet. Chu ding chun "thlikerkuver" hawk fai a hmalthir thu di inthuoan a tul ding a nih. Zoram khawvel Jerusalem hi a'n pei ta am ti maw chu a nih ngaituomnum chu.

Inbiokna chu a tuong pangngaiin a tha zawm pei. Danpui (Act) hnuoia rorelna khawpuitling induong tum ei ni leiin a mansapuaia pai inzen ding a lo tam hle. A ni ding hrim a nih. Tu baw hnam le kawt kal ngai lo hnam ei lo ni hlak lei thaw zung zung ei nuom hlak chu, wavi khat, wavi hnih inbiok zo hnungah zingkar bu fak hmaa mo man khuma leidar inkhup le inthal el ang kha chu a ni ta naw deh. Ei hmalakna (movement) a lo sawt ta dieia chuh dawkana ei inbiokna ruok chu a la sawt/tam nawh. Dawkana inhmaw rawn naw chun inhmuna ding dang chu a vang. Puitling inkhina hmawll pakhat chu ni ngei a tih. Fumfe deua thang zing a tul hrim.

Ngaituom tak chuh tuta rorelna khawp el beisei hi ei hmu pha ei tungding thei/zo ding am ti lem hi a nih. Chu pawl, kha pawl thihain sir hrang hrang an phi chun indar rek ngei a ta; Mizorama Hmar intinuum dinghai khawm ngaituo um pei an tih. Lenin-in, "Consciousness from without" tiin

## Bodo Kachari Autonomous Council an ngen

JONAI: Bodo hnam sunga pawl tum hai inthlungkhawma United Bodo Peoples' Organisation (UPBO) chun Bodo Kachari Autonomous Council an ngenna pending-a la um zing chu bawzui le Council indin a ni theina dinga sin tan dingin Assam sawrkar an ngen. UPBO Central Committee a president M-

hartharna (revolution) a lo ruuong a. A ni hrim, theida lo dingin Mizoram puo tienga hai so an sang thaah chu Mizorama mihai so ei hriet naw chun an sang hi'm a tha a dei hi'm a tha ti chu buoipti tham a tling hrim. Inbiokna dawkana inthawkin hin Hmar t awng chu University chen inchuk theiin um raw se lo ti thei inla khawm, eini a hmanghain in sung, pulpit, khawlai, sietni le thadni-a hai ei hmang ta si naw chun lungtheai hung thoim khekpui naw ni hai. Mizorama t awng dang hmang le hnam dang hai hlak chun Hmar tawng/literature chu an hung inchuk tlut tlut el awm si nawh. Ei in ding chu ini bawkin ei tungding naw chun mi dangin mi tungding pek ngai naw hai. NLUP le Job Card hman ei dawng tha hlei thei naw lai mi danghai lunginsietna le zangaina nghaka intodel tum lem chu thaw chi ni hlawl naw nih. Ei in vek eini kut thiem ngeia ei bawl theina dingin ei inpuocha a tul takzet.

TriauTraxhaiin, "Hmeltha ka ti, Ka bialnu ni rawh..." tia an sak ka ngai fuk a; a mawi dangdai khawp el. A lo hlui deu ta khawm a ni thei; anachu ka ta ding chun a la tharlām khawp el. Kawpinkai tam rak loin a hla chu fai deuin a luong a; a fen po po lem thei vawng a nih. Ka ruolpa David Ramnein, "Love me as a joker", a ti ang deu khan lungril inthieng taka inthawka insieng a nih. Tulaia Aizawl nunghakhaiin an sam rawng an sawisak nawmna angin rimawi a uor chuong liempui naw bawk.

Kan tlungna, State Guest House, thlang ela Vishal (Shopping Mall) khawm an hawng zawm thei pei an tih. Lawm a um. Mizorama sumdawng pawl leh MZP haiin Vishalhai dawring hawng chu nasa takin a dodala chu Mizoram mimir sum nei le an thuoimnaw zawr man a lo inmil lem a; tui let ting tum chu thaw chi ni naw nih. Zopa, zonu dawra cheng zanga zaruka an inchawklak thilhai kha za le ti met chauh, annawleh za hnih le ti met chauhin Vishala an hmu thei ta lem a. Chanmari le Zarkawt kawthler sei rak loa Nike, Reebok, Puma, Van Heusen, Adidas, Peter England, le Vai lien sumdawng haiin bank hrang hrang an hawng hai do nachang hre mang si loa mi naran neksawr zawng lema an thangruol thei tlat hlak hi chu 'Zoram khawvel Seven Wonders' a thang chi a nih. An suongtawlawi "Millennium Centre" a thuoimnawhai lem chu kan chauk ngai nawh. Thil man to hi Zopa mansa chauh ni loin a lung sukhantu a ni rawp. Nei zo lo ding in chawk thei dam hi changkangnaa an ngai letling lem daih chu tie! Ka'n zak hlak. An du bek bek an zawrna zu dawrahaia inthawka sawm-a-pakhat ruok chu a lutna ding dinga hin inthawl deuin a lut thung an tih. Lawm a um.

Karl Marx-in "superstructure" a lo ti kha an bawl uor hle a ni tak. Bawl insang taluo amani, annawleh bawl inthuk taluo leia borala thei a ni ve the thuo. Hmu thein fashion, music, sports haiin hmun an hlui lien. "Superstructure" keihnawkhai chun kalchar le aidentiti an siem mek. Manipur-a thla thum le ti economic blockade ei dier thei el dam kham mak an ti hle. Chu neka sawt khawm ei lo ngam hre lo hai a!

A ni ngei, a ngaitain Silchar panin inzui thla det det nawk ei ta; mimkeiin lam a lo supking leh ei hmuoit bek bek vaihaiin JCB hmangin mi lo inthiel faipek nawk an ta. Myanmar hai hlakin ei ril rem hnan chuong lo, lampui dang ei nei bawk naw lein, ei khawrsaw ei lam zo pha phaivang ruol ang bawkin tira mei kai thawin hung intawl tung nawk diel diel hlak ei tih. Hosanna! ZoramKhawvel. (May 13, 2017. Bethel)

## BSES Official nia inhril mi 4 jail-ah thun

NEW DELHI: BSES Officials nia inhril mi in bran hran luta pawisa lapektu mi 4- Rajiv, Mohit, Pradeep le Rakesh hai chu zanikhan Metropolitan Magistrate Abhilash Malhotra chun jail intang dingin an chungthu a rel. Hieng mi pali hai hin BSES thawktu nia inhrilin Identity Card lem siemin

mi tam tak hlein pawisa an lakpek hlak nia hril a ni a. BSES Yamuna Power Ltd DGM Mahesh Kumar chun May 17, 2017 kha hin chungthua hin complaint a dawng a, chu le inzawma officials han an suizinaa mi 4 hai hi an man a ni a, an kuta inthawklak ID card lem man a nih.

**AAP leader assistant nuhmei sawisaka intum**  
NEW DELHI: Delhi Police chun AAP leader Jarnail Singh personnel Assistant Sanjay Singh chu nuhmei pakhatin Chaukhundi Chowk, West Dehi-a Tilak Nagar hmuna

a sawisak bakah a ben nia intumna a siem lein Tilak Nagar Police han case an siemkhum. Intumna siemtu khawm hi AAP worker tho a ni a, April 2, 2017 nia kha hi thil hi tlung niin a hril.

## Engineering Course inchuk thei

IMPHAL: Academic Session 2017-18 a Manipur Institute of Technology (MIT), Takyelpat a Engineering Course (Degree) chi tum tum inchuk nuomhai ta dingin May 25, 2017 a inthawklak Application Form MIT, Takyelpat hmuna Rs. 500 (Teneral) le Rs. 300/- (ST/OBC/PH) pekin lak thei ning a tih tiin chi tum tum inchuk nuomhai ta dingin May 25, 2017 a inthawklak Application Form MIT, Takyelpat hmuna Rs. 500 (Teneral) le Rs. 300/- (ST/OBC/PH) pekin lak thei ning a tih tiin chi tum tum inchuk nuomhai ta dingin May 25,

## IPS/MPS Officer Transfer and Posting

1. T.K. Anal, IPS, CO/5th MR as SP/Noney
2. Mangkhogin Haokip, IPS, SP/Bishnupur as CO/2nd IRB
3. Themthing Ngashangva, IPS, CO/ 1st MR as SP/Imphal West
4. A.K. Jhalajit Singh, IPS, CO/2nd IRB as AD/MPTC
5. Jageshchandra Haobijam, IPS, SP/Senapati (Attached to the office of the Chief Secretary) as SP/Bishnupur
6. N. Herojit Meetei, IPS, SP/Imphal West as CO/1st MR
7. Ningshen Worngam, IPS, CO/4th IRB as CO/2nd MR
8. M.Pradipt, IPS, SP/Thoubal as SP/Kangpokpi
9. Faumei Gonglin, IPS, SP/Vigilance as SP/Senapati
10. Th. Vikramjit Singh, MPS, i/c CO 2nd MR as i/c SP/Jiribam
11. Hopsan Sapam, MPS, i/c SP/Jiribam as i/c SP/Vigilance
12. M. Mubi, MPS, Addl. SP/Moreh as i/c SP/Tengnoupal
13. K. Meghachandra Singh, MPS, Addl. SP (Ops)/Imphal East as i/c SP/Thoubal
14. S.P. Thaisil, MPS, i/c CO/HG(VA) as i/c CO/6th IRB
15. W. Singhajit, MPS, Addl. SP (LO)/Thoubal as i/c SP/Kakching
16. Sh. Jugeshore Sharma, MPS, Addl. SP/CID (SB) as i/c AD/MPTC
17. H.Balram Singh, MPS, ic SP/Kangpokpi as i/c SP/Pherzawl
18. S. Nandakishore Singh, MPS, SP/CID (Security) as i/c CO/4th IRB
19. Victoria Yengkhom, MPS, Addl. SP (Ops)/Bishnupur as i/c AD/MPTC
20. W. Basu Shringar, MPS, Dy. CO/5th IRB as i/c SP (NAB)
21. Sarda Lashram, MPS, Addl. SP/Vigilance as i/c SP/CID (CB)
22. B. Dhanaparyi Devi, MPS, Addl. SP/CID (SB) as i/c SP/ID (Security)
23. Rashni Yengkhom, MPS, Dy. CO/5th IRB as i/c SP/SIT
24. Th. Gaipuiril, MPS, Dy. CO/2nd IRB as i/c AD/MPTC
25. Bembem Nongthombam, MPS, Addl. SP/CID (SB) as i/c CO/HG (VA)
26. S. Somorjit Singh, MPS, i/c SP/Tengnoupal as i/c CO/5th MR.

## ULFA-I in AP minister hlui Rs. 10 lakh an ngen

ITANAGAR: Danpuoa Mr Taku hi kum 2014 hnaw United Liberation Front of Asom (Independent) pawl chun Arunachal Pradesh minister Bida Taku kuomah Rs. 10 lakh ngenna demand letter an pek.

Demand letter hi May 20, 2017-a kha an pek a ni a, an pawisa ngen hi a pekna chun that dingin an vau niin Mr Bida Taku chun a hril.

## Assam-ah Tribal lal nuhmei suollua intum leiin man

GUWAHATI: Assam-a Karbi Anglong a chun Karbi (tribal) Ronghang Rongbong lal Harsing Ronghang (53) chu nupui nau 4 nei tah suollua intumna leiin zanikhan Police han an man.



Nupui kum 33 mi chun Harsing Ronghang hin May 17, 2017 zan khan Hamren hmuna a thu le hla lovin a suollui niin an tum a, hi thil tlung midang kuomah a hrihsuok chun that dingin a vau bawkin ni police-a complaint a peklu a. Chu le inzawma Police han Harsing Ronghang hi an man niin inspector Kamal Bora chun New Indian Express a hril. Nupui hi a pasal le

## Mi 9 vuokhlumna le inzawmin mi 20 man tah, Police 2 suspended

PATNA: Jharkhand hmuna tulai hnaia naupang thuoihmagntu nia ringhla leia hmuna pathum haia mi 9 zet mipuiin an vuokhlumna le inzawmin mi 20 man an nita bakah Police station pahni haia Officer in-charge 2 hai chu an sin haia inthawklak zanikhan Jharkhand sawrkarin a suspended.

Thu belchieng um loa ringhla leia ringawta hienganga inthawklak tlung chungthua hin National Human Rights Commission (NHRC) chun zani hmama khaan Jharkhand DGP D.K. Pandey chu chawklarhni sunnga report pei dingin an hrietit a nih.

## RJD MP hlui damsung lungin intang ding

NEW DELHI: Senior RJD leader le Member of Parliament (MP) term 4 zet lo tling tah Prabhunath Singh chu zanikhan Hazaribagh Court chun damsung lungin intang dingin an chungthu a rel. Ama baka hin a unaupa le midang pakhat hai khawm thiemnaw inchangtir an nih.

Mr Prabhunath Singh hi kum 1995-a MLA Ashok Singh thatna le inzawma thiemnaw inchangtir a nih. MLA thatnaa thiemnaw inchangtir an ni hlim hin



Mr Prabhunath Singh le a unaupa hai hi man ngal an ni a, a bul chun Patna court hmuna an chungthu hi ngaituo a ni a, sienkhawm thata um MLA sang hai ngenna anga a case hi Supreme Court tienga sawn a nih. (AIR)



LAKTAWI

Tata Sons in Group CFO dingin Agrawal

NEW DELHI: Tata Sons chun zanikhan Aditya Birla Group Head of Strategy ni lai Saurabh Agrawal chu Group Chief Financial Officer dingin a ruot.

Mr Agrawal hin July, 2017 a inthawk khin Tata Sons zavm tan a tih tiin company thusuok chun a hril. Mr Agrawal hin capital allocation decisions, investment management le a dang dang haiah Tata Group thangpui a tih.

Agrawal hi IIT Roorkee le IIM Calcutta haia lekha lo inchuk, industry tiengpanga kum 20 lai zet tawnhriet lo nei ta a nih. (PTI)

Unemployment rate a la kaisang pei

NEW DELHI: Economic Survey dungzuin India rama chun Bharatiya Janata party (BJP) in May, 2014 a sawrkarna an hung siem khan a tam thei ang tak sin siem le India rama unemployment problem sukbo ni dingin hril hai sienkhwam India rama unemployment rate kaisang hrat taluo naw sienkhwam a la kaisang pei. Kum 2015-16 sunga unemployment rate kaisangna chu 5% a ni a, 2013-14 sung khan 4.9% in a kaisang a nih.

PM Narendra Modi chun Lok Sabha Election 2014 a vote campaign huna khan BJP an hung sawrkarn chun UPA in Lok Sabha election nuhung tak sin neilo 1 crore hai kuomah sin pek an ni ding thu a lo hril a nih.

SF han ralthuom tam tak an dapdaw

NEW DELHI: Jammu and Kashmir-a Naugam sector a chun zani hmasa khan Security Forces han terrorist 4 an kaphlum bakah ralthuom tam tak dapdawkin an man.

Ralthuom mana um hai lai hin AK-47 Rifles, AK-47 mu, UBGL Grenades, Hand Grenades, GPS le Wireless Sets bakah Pakistan siem damdawi, dry fruits, binoculars, wire cutter le matrix Sheets hai a thang. Helpawl kap hluma um 4 hai hi Lashkar-e-Toiba cadre an nih tiin security thusuok chun a hril

Jail-a a unauapa drugs petu man

MUZAFFAR NAGAR: Pasal kum 30 mi Dhamender chu Muzaffarnagar district jail-a intang a unauapa a va kan huna inruithei Charas 150 grams pek a tum leiin Jail thuneitu han an man. Jail-a intang a unauapa hi tuolthatna case-a jail intang a nih.

IAF Sukhoi-30 fighter jet an hman



TEZPUR: Zanikhan Indian Air Force (IAF) vuongna Sukhoi-30 Fighter Jet chu a umna chin hriet lovin an hman a. Nasa taka zawng mek a nih. IAF vuongna hi dan pangngai anga training a Assam, Tezpur a inthawka vuongsuok a nih.

BSF in Bhagat Singh pistol Punjab tienga sawn dingin



NEW DELHI: Director General, Border Security Force (BSF) chun Indore-a BSF museum a um mek Shaheed Bhagat Singh pistol chu Indo-Pakistan border bul Ferozpur district-a Hussainiwala hmuna Martyrs memorial a BSF Museum tieng an rang thei ang sawn dingin Order an suo.

Hi Pistol hi Bhagat Singh in kum 1928-a British Police Officer John Saunders a kap hlumnaa lo hmang a nih. A Pistol hi US siem point 32 Colt a nih.

Naupang 11 Christian-a inlettir tum nia hril, mi 2 man

INDORE: Madhya Pradesh Police chun, Nagpur hmuna Christian sakhua inlettir tuma thuoitri tribal naupang 11 an sansuok niin an hril a, hi le inzawm hin mi 2 an man bawk niin an hril.

Police Officer chun, naupang hai hi facilities hran hran le thilpek hai pek dinga thlema Christian sakhua inlettir an tum niin an tum. Hieng naupang hai thuoitu mana um mi pahni hai chu Alkesh Gadawa le Haroon Dabar hai an nih.

Naupang hai Christian-a an inlet chun a thlawna lekha inchooktir le thilpek dang dang dawng dinga an thlem lungawi niin Chhoti Gwaltoli Police station incharge Sanju Kamle chun a hril.

Congress le AAP in hratna an chang

NEW DELHI: Delhi Municipal Wards pahni haia byelection neia chun Congress le Aam Aadmi Party (AAP) han seat khat ve veah hratna an chang.

Congress candidate Mukesh Goel chun North Delhi Municipal Corporation (NDMC) a Sarai Pipal Ward byelection-ah hratna a chang a, AAP candidate Reshma chun East Delhi Municipal Corporation (EDMC) a Maujpur ward-ah hratna a chang niin State Election Commission (SEC) chun zanikhan a puong.

UP Board in Aadhar Compulsory

LUCKNOW: UP Board of Education chun, indiklo taka registration thawna um hlak sukbona dingin session thara inthawk UP Board hnuoia exam ding candidates han examination forms an fill-up huna lo thei lova an Aadhar number zieklut (compulsory) dinga thaw a tum. Hi chau hi ni loin student hai chu Class IX registration an thaw huna Aadhar Card an peklut sa a tul ta ding a

nih. Hi thil hi indiklo taka enrolment thawna um hlak sukbona dinga thaw tum a nih tiin UPBSE Secretary Shail Yadav chun a hril.

Hi thila ding hin UPBSE chun District Inspector of Schools (DIOS) tin hai chu students hai Aadhar details le School U-DISE code hai online registration form fillup huna le exam haiah thunlut sa sawng dingin an hriettir a nih. (TNN)

UP Board in Aadhar Compulsory

LUCKNOW: UP Board of Education chun, indiklo taka registration thawna um hlak sukbona dingin session thara inthawk UP Board hnuoia exam ding candidates han examination forms an fill-up huna lo thei lova an Aadhar number zieklut (compulsory) dinga thaw a tum. Hi chau hi ni loin student hai chu Class IX registration an thaw huna Aadhar Card an peklut sa a tul ta ding a

Exam hall — a selfie lein kum 2 sung exam thei lo ding

AHMEDABAD: Gujarat-a Gujarat Secondary and Higher Secondary Education Board (GSHSEB) chun Class XII (General stream) student pakhat chu Exam Hall-ah mobile phone hmanga selfie thawa ama le ama thla an lak lai CCTV in a lo record lein kum 2 sung exam pe thei lo dingin a ban.

Exam Hall-a selfie leia kum 2 sung exam pe thei lo dinga ban hi Vatsal Karamta a ni a, tulai hnei el khan a nu le pa hai GSHSEB disciplinary Committee in an ko a, chu huna kum 2 sung exam pe thei lo dinga ban a

A lua silaia kap hliem, a damsuk

PUNE: January 2, 2017 nia mi insuol a va thelna point-blank range-a lua kap hliem Sanjay (24) chu surgery thaw a ni hnungin a damsuk.

A lua silaimu lut hin a thluok khawm a fethleng lein a vawitiengpang thisen zam khawm nasa takin a suksiet pha a nih.

SP leader Shivpal Yadav in 'Z' security

LUCKNOW: Uttar Pradesh cabinet meeting chun senior Samajwadi Party (SP) leader Shivpal Yadav chu 'Z' category Security pek nawk dingin a rel.

Mr Yadav hi Samajwadi Party sawrkarn huna khan 'Z' security hnuoia venghimna pek a ni a, sienkhwam thla hmasa Mr Yogi Adityanath CM nina hnuoia BJP in sawrkarna an hung siem hnung thla hmasa laia inthawka kha 'Y' security a thumhnuoi pek a ni a. Sienkhwam Mr Yadav hin CM inhmupua,

Gay Sex lein pasal 2 mipui hmua hlap an nih

BANDA ACEH: Indonesia rama chun Sharia Law kala sex an hman lein pasal pahni kum 20 le kum 23 mi hai chu mosque tuolah mipui hmui tinghmalin vawi 83 ve ve hlap an nih. Hieng thil hi Muslim-majority rambung a tlung hmasatamna a nih.

Gay sex leia hlap hai hi an hming ruok chu puonglang a ni nawh. Hlap an ni hmaa Acehese cleric member Abdul Gani Isa in mipui hmaa th a hrilnaah, hi thil hi mipui hai ta dinga inchooktir a ni thu hrilin, sharia law hi ngaituona fim tak neia

Ariana Grande Concert-ah Bomb Puok, 22 thi 59 hliem

LONDON: American Music Award vavi thum le Teen Choice Award vavi ruk award dawngthah, US singer Ariana Grande-in Manchester ah concert a nei lain bomb hrattak a hung puok a, concert entu, naupang iemani zat thangin mi 22 an thi a, 59 an hliem baw. Police hai chun a thawtu hi an la hriet el nawa chu Muslim helpawlhai thaw nih dingin an ring.

Bomb puok lei hin mipui an thlabar nasa em em a. Hlasaktu tak Ariana Grande khawm a lung a thawng hle a, paw i tih hle tu a puong ngahl bakah, a concert dang program hai khawm la chwawl hri a tum niin a manager Scooter Braun chun a hril. Ariana chun, Twitter hai, "Broken, from the bottom



of my heart, i am so sorry. I don't have words" tiin a ziec a.

Tapna bang ah Trump-in history siem, Ivanka a tap

JERUSALEM: America President Donald Trump chun sawisela tamtak tuok hlak sienkhwam, a ringna/sakhuaona leh America President a nina le inzawmin khawvel history thar a siem, Tapna Bang (Wailing Wall) Jerusalem-a America President tawngtai hmasatak a nih.

Khawvela hmun thienghlintaka ngai, Jerusalem khawpui hlui (Old City) tienga Tapna Bang (Jerusalem kulpui bang Rom sipaihai an suksiet hmabak ngir la umsun), Juda haiin tap puma an Pathien an ko an kona hlak The Wailing Wall ah chun to tawkin a va ngir ve a. Pathien kuomah tawngtai aini tu iemani zat a hril a, lungpui kara chun lekha hlek iemani a sie baw.



The Wailing Wall hi Judah han Temple Mount an iti, Hmun Thienghlintaka an ngai/sie a nih a. Muslim haiin The Noble Sanctuary tiin, al-Aqsa Mosque umna, Islam sakhuaona hmun thienghlintak pathumna a nih. Solomon a Temple hlui inthawka bawl The Dome of the Rock, Jerusalem Temple ei ti el pa ngima hmun a nih.

tamtak ah Juda (Jews) ni sia Shabbat nia vuongna vuong (Chawlini bawsiet) tia intumin hrilsiet a nih. Amirokchu, Tapna Bang ah tawngtaia a va tap lai an hei hmu phing chun an ngaidan an thleng sup sup a, Ivanka an inpak ta lem a nih.

Judahai chu hi Hmun Thienghlintak (Temple Mount) an tina lai taka hin chu tawngtai phal an nih nawh a. Hi lai hmun taka Ivanka a va tawngtai lei khawm a nih el thei. Annawleh, bang hlui tak hi a lu kuna dameita theme mit thil leh a tawngtai lei khawm a nih el thei. "Ivanka, a member of our people" tiin sawiseltuhai chun an inpak ta lem a nih. Ama khawmin, "Ka ringna le inzawma ka ta dingin Hmun Thienghlintak va sir thei le a hmuna tawngtai theia ka um lein hamtha kan tih hle, ka ta dingin umzie inthuktak a

SIELMAT CHRISTIAN HOSPITAL & RESEARCH CENTRE  
Zunlam tienga harsatna neihai chun Specialist Doctor (Urologist) Date 27th May, 2017, zing dar 10:00AM hin Sielmat Christian Hospital-a pan thei ning a tih. Operation a lo tul khawma thaw thei ngal ning a tih. Registration Fee Rs. 300/- ning a ta, ticket booking khawm thaw thei zing ning a tih.  
Contact: 919862853047

LEILET ZAWR A NIH  
Thingchawm khuo huop sunga ka leilet (tuilo) Sangam 5 ka zawr nuom a. A dit le an chaw nuomhai chun thu chieng lem contact numbers 8131942887 or 8974448606 haiah ngaiven ding a nih. A man chu inbiek dan izir ning a tih.  
-Alal Haokip  
Kingkin Village, CCPur.

TEACHERS WANTED  
K.T. HIGHER SECONDARY ENGLISH SCHOOL, KANGPOKPI  
Two Teachers are wanted to teach (a) Biology, (b) Physics in High School and Secondary School.  
Educational Qualification: B.Sc/ M.Sc.  
Candidates with computer knowledge is preferable. Willing candidate/candidates may apply to e-mail: kthsskpi@gmail.com or 8132906405 on or before 2nd week of June, 2017.  
Free Accomodation.  
(20,22,24) Sd/- Principal

LOSS OF DOCUMENTS  
I have lost my file containing important documents of Class X, XII and BA on my way between Rengkai (Muolhlum) to Lamka (Mualveng) on 15-05-2017.  
Details of lost documents are:-  
1. Class X Original Marksheet bearing Roll No. 912 of 1995 issued by Board of Secondary Education Manipur.  
2. Class XII marksheet bearing Roll No. 19379 of 1997 issued by Council of Higher Secondary Education Manipur.  
3. B.A. Original Marksheet bearing Roll No. 830126 of 1998 issued by Manipur University (MU).  
Finders are kindly requested to handover the same to the undersigned.  
Sd/- Ramlienzoal Hrangchal  
Ph. No. 7085546377

LAWMTHU HRILNA  
Hun iemanichena inthawk ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4:30PM inkarn sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrwan thei a nih.  
Lawmthu hriltu,  
Sd/- Lalboi  
Vajing

PIGROW Tablet  
VAWK INTHANGNA DAMDAWI  
I vawk zawr hun tingna dingin kum khat nek tam ngahk ngai tanaw nih.  
A THATNA:  
\* PIGROW mum hi Company hai ti dan ang taka i pek chun thla 5 sungin kg. 70 chuonkai hman a tih.  
\* PIGROW mum hin, i vawk chu i pek tana inthawk chawd der loin an thang tir thei.  
A PEK DAN DING:  
\* Vawk pakhatnik hatah mum 20 (zingtieng mum 10 le zantieng mum 10) pek ding.  
\* Box khat ah mum 600 a um a, chu chu thlakhat sunga a fakzo ding a nih.  
\* Rawt phita pek in fak awlsam an ti lem.  
INCHAWK THEINAHAI:  
1. Hmingi 2. L.K. Screen Printing  
Bethel, CCPur Lighthouse Lane, CCPur  
# 8414852391  
3. Pet Care Centre, Tiddim Rd. CCPur.  
Order tam dan dungzuin HOME DELIVERY khawm kan thaw thei.

UAE hmunah "Start up India Summit"  
ABHU DHABI: Ni 2 sung aw ding "Start up India Summit" chu zanikhan Abu Dhabi, UAE a tan a nih. Hiengang summithi UAE-a Consul General of India (CGI), Dubai le Abu Dhabi-a Embassy of India han iSPIRIT, non-profit think tank le thangruola TiE, Dubai thlawpnaa an huoihawt hmasa tak a nih. UAE le India ram han kawng tum tuma thawtlangna hrat lem an nei theina dinga ngaidan hai inhrithuona dinga hiengang summithi huoihawt a nih. Summit a hin India rama inthawk Start up Companies 17 hai an thang ding thu Dubai-a CGI Mr Vipul chun a hril. (AIR)



## TUOLSUNG/Imphal etc

### Zangnadawmna -sunzawmna

Khumzawm s/o Paukhanmuan (SDO CCPur) le T Pauramaw s/o Late Thangzalam (DC Office) hai an nih.

Sweeper post pek hai chu- Chimneithiang s/o Khaikhothang (DC Office); Chingneihaih s/o Kamkhanthang (DC office) le Jammuan s/o (L) Ginzalian (DC office) bakah Muangouthang s/o (L) H Thianlam chu SDO CCPur-a Lambu sin pek a nih.

Zangnadawmna le sin semna huna hin Nangmuansang chun ruong vui huna hmang dan ding hrilna a nei. 9:30AM in JPO inravinain District Hospital Morgue-a inthawk martyrs 8 hai ruong lakdaw ning a ta, College le student han a uniform leh District Hospital Morgue a inthawk sunna hun hmanga ding Public Ground chen human chain thawng an ta, martyrs 8 sung hai le thlakana hun um a ta, hi zo hin Truck pakhatin ruong pakhat seng phurin Public ground panpui ning an ta, hun hmang zo sun dar 11 a inthawk sunna hunpui tak hmang ning a ta, hi zo hin CCPur Royal Riders Club in hma thuiiin CCPur Police Station a inthawk martyrs 8 hai ruong hi vuina ding hmun panpui le Mata dam chen funeral procession um a tih.

Ruog vui ding le inzawm hin May 24, 2017 hin pasaltha hai inzana le sunnain mani In chitah hnampuon khai dingin ngenna a siem a, student hai chu zing dar 9 a morgue tung kim seng dingin an hrietir.

### PDDC in CM reminder le fielna-sunzawmna

lampui thua mipui harsatna practical taka hre pui le Pherzawl inzin dinga an fielna hai an ziek.

Reminder a hin H.K. Zote, Chairman, L. Thanzam Pulamte, Secretary, Thangpao Mate, Vice Chairman, Pu Taiipi Vaiphei, Vice Chairman, Pu Satgoumang Sithlou, Vice Chairman, Pu Chinlian John, Vice Chairman, PDDC han hmang an ziek.

### Rev. Lalrosiem Songate in Ph.D in Missiology a zofel



**CCPUR:** Rev. Lalrosiem Songate chun Fort Wayne, Indiana, US-a Concordia Theological Seminary a inthawk Ph.D in Missiology a zofel ta a, May 19, 2017 khan official takin Certificate inhlan /pekdawk a nitah.

Rev. Lalrosiem hin September, 2012 a kha Seminary-a lut tan a ni a, a dissertation topic chu "A Study on the Practice of Denominational Incorporation in Missions by the Tribal Denominations in Southern Manipur, North East India" a ni a, a dissertation hi a ziek zo le submit hnungin

March 2, 2017 khan Oral Defence thawin hlawtling takin Ph.D in Missiology hi lo zo ta a ni a, sienkhawm official taka a zona Certificate hi May 19, 2017 khan pekdawk a nih.

Certificate pekdawk huna hin ama chu India ram tieng a lo lung kir ta leiin Doctorate degree inhlanna huna hin a zu thang ta nawh.

Rev. Lalrosiem hi tuhin Evangelical College of Theology, CCPur, Manipur-ah Principal sin thaw mek a ni a, a nuhmei leh nau 4 neiin, tuhin a nauhai pahni chu US-ah lekha inhukin an la um mek, a pahn hai chu India ram tieng um an nih.

A hlawtlingna hi ei chanchinbu chun a lampui hle. (input: Sinleng-News)

### SA in kum 65 tling lawmmain theitui an sem



**CCPUR:** Salvation Army (SA) Manipur chun zanikhan Manipur-a Salvation Army um tana inthawk kum 65 tling lawmna le inzawmin

zanikhan Churachandpur khawpui le a sevel haiah lampui-a inlawn le motor-a inlawn hai sukchawlin a thlawnin theitui an sem.

### Andy Murray-in ATP Top Rankings hluozawm, Zverev Top 10 kai



Tennis inkhel thiem Andy Murray chun world men's single hluokhum nawkin Association of Tennis Professionals (ATP) ranking-ah a pakhatna hmun a hluo zawm nawk. Chulaizingin Germany thlangval Alexander Zverev chun Rome Master-ah Novak Djokovic a hneban leiin hmun sawmna hmun a hluo ve thung.

Zverev hi 1990s a pieng tennis player hai lai Master 1000 latu top 10 kai hmasatak player a nih. Top 10 kaina dinga Djokovic a hne tum kha 5-4, 6-3in hratna a chang a nih. Hi le inzawm hin Djokovic in No. 2 hmun hung hluoin, Swiss thlangval Stan Wawrinka-in pathumna hmun a hung hluo baw a nih.

- ATP rankings le point scores nuhnungtak
1. Andy Murray (UK) 10,370 points
  2. Novak Djokovic (Serbia) 7,445
  3. Stan Wawrinka (Switzerland) 5,445
  4. Rafael Nadal (Spain) 5,375
  5. Roger Federer (Switzerland) 5,035
  6. Milos Raonic (Canada) 4,360
  7. Dominic Thiem (Austria) 4,145
  8. Marin Cilic (Croatia) 3,765
  9. Kei Nishikori (Japan) 3,560
  10. Alexander Zverev (Germany) 3,150.

### CM-in High Court-a CIS a hawng-sunzawmna

Sawrkak thlungpui kuomah High Court Judge pe belsa dinga an gen ding thu le, Court thar siemna dinga thawktu/post khawm 40 siem nih tain a hril bawk.

Chief Justice of High Court of Manipur, Mr Rakesh Ranjan Prasad chun, CIS thiltum chu paper ngai lova internet hmanga mi tukhawmin court case an buoiptui/bawzui theina ding ti a nih a. Thupek (order) insuoa umhai, pending case hai ngirhmun le case fe mekhai chanchin online a hriet zung zung theina ding a nih a. Mi tin ta dingin rorelna indik (justice) hmu a awlsam tah ding a nih, tiin a hril.

Supreme Court Judge Justice Madan B. Lokur chun, hi thil hin Court sinthaw dan po po fie fai taka hriet theina ding le, case management le Judicial Officers hai indikna le ringumna chenin awlsam taka hriet theina ding hmangruo a nih tiin a hril. CIS hin rorelna inrang lem le seng tlawm lema hmu thei a nih ding a nih tiin, sawntawte ah Mobile application khawm siemin mani mobile phone a inthawka Court case thu hriet thei a nih tah ding niin a hril bawk.

Justice Madan hril dan chun, Manipurin a tul hmangruohai inchawknana ding le sukburipna dingin Rs.4.75 crore sanction a nih tah a. Manipur sawrkak chu Law Commission indin dingin a hril bawk.

Hi huna hin Law Minister L. Jayantakumar, High Court Judge Justice N. Kotiswar Singh, Justice Kh Nobin Singh, Senior Advocates, Bar Council members le High Court Officials tamtak an thang a. Manipur High Court fethlenga CIS hmang dan ding inentir a nih bawk.

### CCpur ah Petrol a vang

**CCPUR:** Consumers Affairs minister Mr Karam Shyam-in Manipur-a petrol le diesel stock tam tawk tak ei nei lein tukhawm lo buoi lo ding le black-a lo zawr lo dinga a hril laiin Churachandpur ah chu Thawleni chen kha petrol pump pakhat chauvah petrol a um lein motor neituan buoi hle, petrol la nuomin ni dang naw angin an innek buoi nasa hle.



Pump-a thawktuhai hril danin Kohima laia lampui siet leia intang petrol tanker zani laia hung thung hai khawm thla khat vel an intang hnunga lam inkuol zawnga hung niin an hril a. Lampui a tha thar chun stock khawm a hung tha pei an beisei thu an hril. Hienglai zing hin police in black-a zawrhai an man pei tah lein an tlawm sawt tah a. Mi thenkhat harsatna remchanga hmanga black-a zawr ding lo la khawl khawm an um bawk.

Customer thenkhat chun, black-a zawr an um lai kha hieng ang emergency/harsat huna chu a remchang lemna chin khawm a um tiin an hril a. Thenkhat chun dan ang taka iengkim a fe hin a t hatak an ti ve thung. IOC Imphal chun petrol ni 7, diesel ni 17, LPG ni 2 le vuongnaa ding ni 18 daih ding thautui siekhwail state-in a nei niin a hril.

Kohima laia lampui sie chu siem zing a nih a. Thawleni kha thautui phur motor 70 le an hung thung niin a hril bawk.

### GRIEZMANN CHU MANCHESTER UNITED-A INSAWN DING A CHIENG THAWKKHAT TAH

Atletico Madrid star Antoine Griezmann chun tuta nipui hin Old Trafford tieng an sawn ding a chieng thawkkhat ta thu a hril. Kum 26 mi French star hi French Tv show-a hrilnaa hi thu hi a hril a nih. Anachu thuchieng lem ruok karhni hnunga puonglang a ni chau ding thu a hril. United hi a club thar ding a ni hmel am ti indawmna chu "Thil thei a nih," tiin a dawn.



Ama hin kum 2014-a Atletico Madrid a zawma inthawk goal 111 tawp a thun an tah. Tuta season hin Atletico ta ding goal 26 a thun ta bawk a, La Liga tieng pathumna an ni bawk. January thla kha khawve-la football pet thiem tak pathumna dinga thlang a ni

### Christ Sutton : David Moyes hin Premier League-ah sin la zawng a tih

Premier League season a tawp le inruola Sunderland Manager a nina ama le ama inban tah David Moyes chun Premier League tieng Manager sin la zawng ngei a ring thu Blackburn Rovers striker hlui Christ Sutton chun a hril. Kum 54-a upa David Moyes enkawl Sunderland chu April thla dei kha an relegate ding a chieng ta a, season tawp chen khawm inkhel 38-ah wawirik char an hrat a nih. Table-ah a hnuoihnung tak an ni nghe nghe.



Ama hin kum 11 sung veng vawng Everton a enkawl hnungin kum 2013 kha Sir Alex Ferguson thlaktu dingin Manchester United chun a lak a, anachu thla 12

### Neville: Rooney-in a career suksei a nuom zing chun United maksan a ngai



Phil Neville chun a teammate, captain nilai mek Wayne Rooney chu a career suksei pei a nuom a ni chun Manchester United a maksan a ngai thu a hril. Rooney hin tuta season a kha United ta dingin vavi 42 an lang a, atam lem chu bench-a inthung a

### Brad Pitt-in a Film thar War Machine suklar

**TOYKO:** A nuhmei le an inthe leia a khawsawtnahai a bo tan ding chau laiin a ruoltha pahni Paramount CEO Brad Grey le hla a sakpui hlak rocker-musician Chris Cornell han an thisan nawk a. Lungngaina le khawsawtna ding vawng a tuok laiin khawsawt hnemtum ding le sukhartu dingin a film thar tak "War Machine" chu zofel a lo ni tah a. Brad Pitt chun hlim zai a rel ve tan tah niin an lang.



Insukharna ding tha tak dingin, kum 53 Brad Pitt chu a film thar "War Machine" suklar dingin Tokyo an zin a, inhawi a tih hle. A cher met taa chu a fresh met tah bawk a. Kekawr le zakuo inthawl deu hakin a sukcher sawt bawk. Hmel innui sieuin fans lo nghaktuhai tieng kut a hei vai a, a film thar tak le a nun hlui chanchin a hril teu tah a nih.

Thla hmasak April khawm kha GQ Magazine ah a lo hril tah bawk a. September 2016 a inthawk kha Angelina

Jolie le an inthana chu vantlang hriet a hung nia inthawk kha nasatak in a tuor bik niin a hrila. Ama le a sung hai ta dingin hun harsa tak, hun khirtak an tuok nia a hriet thu le lungri la hadamna ding zawnga zu bur a bel khawm a tangkai chuong naw lein har fima khawsawt hne a tuma a hne tah lem niin a hril. A thil


tawng chu "Mani le mani inhrem" niin a hril.

Thla ruk vel liemta sung kha iengtinam a um ti an indawn a, "Thina ruom hraw ang tho ka nih a. Hremhmun ang tho a nih. Vodka (Russian zu)chu table hnuaiah ka sie zinga, bottle khat chu awlsam tein a bo zung zung el. Anachu, hlimna le lawmna ka hmu chuong naw leiin. Therapy (inengkawna) ka thaw tah lem a. Therapist tha tak pahni hmuiin a thalem ka thlang a. An hawi ka tih. Inhawi tak a nih. Tuhin chu tha tak kan tah" tiin a hlim tah hle.

Hmel hlim vura thuhrlin a film thar "War Machine" khawm war comedy a ni lein lo en seng dingin a hri tawl. A film-a hin Brad Pitt chu Afghanistan-a fe sipai general mani inringzo tawk tak, nuizat um tak a nih a. Sipai General joker deuh Journalist pakhatin sukthluk tuma a beina a nih. Netflix ah May 26 a inthawkin inthlasuok tan ning a tih.

### "Baywatch" Suklarin Priyanka Chopra New York ah

**NEW YORK:** India nunghak Bollywood a inthawka Hollywood-a insawn, TV action serial "Quantico" a changa inthawka Hollywood film thar a chang nawk "Baywatch" suklar dingin Priyanka Chopra chu New York a thung a. Zirtawpnia tlanzar ding "Baywatch" preview The Cinema Society and Hugo han an buotsaina ah a van pholang a, a nal bawk a, tam takin a film en nuom pha ngei an tih ring a um.



Miss World hlui Priyanka hin puonbil insing le zakuo inkawp (mini-frock) bunin a chungah military-style Jacket, taksa rawng a hak a. A puonbil insing chun a kekawrte a thup char chauva a malpui le ke nalna po an lang vawng thei bakah a awmbawr lai le a thi awr an lang thei bawk a. Indian nunghak bil insing pawltak la ning a tih. A sam le mithmul dum thlapin a hner sa huntawk char chu sen iemin an kak sai a, ngaino a bei hle.

hin offline-a an promote-na dittaw el lovin social site Instagram ah khawm a fans hai a film inentir ngei tumin, "Catch me if you can...at a theatre near you. #may25@slomochallenge" tiin slow motion-a tuifinriet panga a tlán lai vel hai en dinga fielna niawmtakin

a post. "Baywatch" en pha pha an pholang dan indiktak le a nalzie hmu thei tak tak ning a nih.

"Baywatch" hi tuifinriet panga Lifeguard hai chanchin, summer comedy a nih a. Dwayne Johnson le Zac Efron hai pahni chu Lifeguard an nih a. An veng tuifinriet kam lai sukbuoi theitu ding thil thum/phierrukna a um ti an hriet a. Chu tium/phierrukna chu Priyanka (Victoria Leeds) a nih. Kelly Rohrbach le Alessandra Daddario hai khawm an thang a. "Baywatch" original-a changtu Pamela Anderson le David Hasselhoff hai khawm special appearance an nei bawk.

Tuifinriet kama nunghak thlangval, papui nupui, saruok deu thawa insukdei tuma invak vel le tui insil velhai thlir mei mei nuomthui ta ding chun hunawl hmang puma thlir ve mei mei tlak chu ni mei a tih, fiemthu iemani zat en nuom bawk hai ta ding leh.

### "X-Men" Hugh Jackman Le An Nu Japan ah

**TOKYO:** "X-Men: Wolverine" film serial iemani zat changa inthawka inlran, a film nuhnungtak, X-Men film haia a hmang chawia siem "Logan" chun sum maktaduoi tel a hui lut taa chu far east Japan tieng ama ngaisangtu tamtak umna ramah a la thaw tha tawk nawa a hriet lein Hugh

Jackman chu an nu Barbara Lee leh Tokyo an inzin a. Airport an hei tung chu a la lan lang thlangval baw leh, fans hai lawm a hlav hle.

Kum 48-a upa Hugh hin blue jumper le tracksuit dum a bun a, ta thlangval hlein an lang lain an nu kum 61-a upa Barbara Lee Furness khawm a kum nek in a lan lang nunghak lem bawk. "Loose fit top" dum le khup chen zakuo fuol a hak a, kum inzat ang tho an nih. Narita International Airport an hei lut chu lekha tar tam tak chawia fans lo nghaktuhai an tam taluo a, an nervous hman vawng a nih.



Hugh Jackman chu a hlim em em a. Fans hai khawm an hlim a. Tamtakin selfie an inlakpui a, tamtakin autograph an in-signtir bawk a. A fans han ama an ngaisang ang bawkin Hugh hin an nu zaidaw thei tak le thlawptu tha tak chu an pak nasa hle. Tokyo khawpua dawr pakhat tuola an ngir lai thlak social media ah tarlangin, "An extra ordinary day with the most amazing woman" tiin, an umna hmun hriet theina dingin "Tokyo" tiin a post.

Barbara le Hugh hi kum 21 an innei tah a. Hollywood nupa lai chu inrem tak le inngei pawl tak, innei sawt pawl tak an la nih. To tawkin a pasal hi a thlawp hlak. Nau pahni an nei tah a, an puitling ve tah bawk. Anni khawm an la thlangvalin an la nunghak ve

hle bawk. Fans hai lungawina dingin an hun tamtak an pek a nih.

Japan ram khi X-Men ngainatu ram a nih ve a. X-Men story ah khawm Japan ram le inkungkaina tamtak a nei lein fans a hau em em a nih.

### Kate-in Children Hospice Kanin Thu Hril

**LONDON:** Duchess of Cambridge, Kate Middleton chun naupang Hospice-a enkawl ngaihai enkawlina hun bika hmang hlak Children's Hospice Week (May 22-28), UK Charity "Together For Short Lives" buotsai tanna le hawngnain a va sir a, inuina thucha minute 3 vel video record a siem bawk a. Naupanghai le organisar hai an lawm hle.



Kate chun Hospice-a volunteer le staff, taima tak le inpezo taka sinthawthui po po chu an pak a. Hieng ang sin thawthui leiin naupang tamtak hringnunah danglamana le inthanglienna nasatak a hmu tah niin a hril. "Hun khir tak le hmun rinum takah khawm naupanghai ta dinga In ang thova inhawi hmun le hun hlimum siempektu, 'safe environment-a first class service' petu an nih" tiin thawktuhai an pak a nih.

Kate hi East Anglia Children's Hospice (EACH) Royal Patron a nih a, 2013 a inthawk kha Children's Hospice Week hi a lo t hangpui tah hlak a nih. Tuta video message khawm hi EACH ambassador hlasakthiem Ed Sheeran track "Lego House" thanga siem a nih. A thu hawngnaa

chun, "Hi Week ei tan mek lai hin, thawktu inrim tak tak han an sinthawna, naupangin nun inhawi lem an nei theina dinga hmalakna a hin nang khawm i hung thung ve ngei kan beisei" tiin fielnaa siem a. Hi sin hi danglam bik a ni ang bawkin nun danglam hai khawm a suk danglam in a sukdam thei niin a hril.

A hril pei dan chun, England-a naupang 49, 000 neka tam chu hringnun khirtak, a thuongtong lo ding (limit-condition life) a um an nih. Natnain a chawkuoi, a hrana enkawl ngai an nih a. Hieng ang naupanghai enkawltu Hospice hi 54 a um a, chuonghai sinthawna chu mi tinin thlawp dingin a ngen a nih. "Nu le pa ta ding chun, mani nauhai an dam sawt naw ding ti le, an hringnun bituk tawite chauh a nih ti hei hriet chu thil harsatak ni ngei a tih" tiin nau pahni nu Kate chun a hril.

Together For Short Lives chief executive Ms Barbara Gelb chun, "Children's Hospice Week a thangpuina le a thuhrlhai hin nasatak in mi a sukhratin hringnun a chawm a. Natna rik tak nei naupanghai thangpui an tul zie le thangpuitu ding mi an um zing a nih ti thu hril ringawt khawm hin mi tamtak a thangpuia, hringnun a sukhrat a nih" tiin a hril a.

"Nu haiin an nauhai an dam sawt tanaw ding ti an hriet ni tak kha hun inthim tak a nih hlak a. Thangpuitu ding an inwai nuom bawk lai taka thangpuitu ding an um zing a nih ti an hriet kha a sukhratin a suk thlamuong hlak a. Chuleiin Palliative Care (Hospice Care) a um zing ti hrilhrietnaa Kate thuhrlin hin tangkai takin sin a thaw thei a nih" tiin a hril bawk.